

Þorgerður Ólafsdóttir
Bergþórugötu 53
101Reykjavík

Reykjavík, 1. júlí 2021
UST202104-260/I.M.B.
09.05.01

Efni: Umsókn um fararleyfi til Surtseyjar

Umhverfisstofnun hefur mótttekið umsókn Þorgerðar Ólafsdóttur, dagsett 20. apríl 2021, um heimild til að fara til Surtseyjar dagana 15.-18. júlí 2021 með vísindamönnum sem verða í eygni á sama tíma.

Surtsey er friðlýst sem friðland sbr. auglýsing nr. 50/2006. Óheimilt er að fara í land í Surtsey nema með skriflegu leyfi Umhverfisstofnunar. Heimilt er að veita leyfi til ferða út í Surtsey til rannsókna og verkefna sem tengjast þeim, eða til kvikmyndatöku og/eða ljósmyndunar vegna gerðar fræðsluefnis með sérstaka skírskotun til Surtseyjar eða rannsókna þar.

Lýsing verkefnis:

Sótt er um leyfi til að fara til Surtseyjar á sama tíma og vísindaleiðangur er í eygni. Markmið fararinnar er annars vegar að aðstoða við að safna saman sjóreknu plasti og taka ljósmyndir af mannlegum ummerkjum í eyjunni fyrir sýningu Þorgerðar í Surtseyjarstofu. Hins vegar að skrá upplifun og reynslu af því að dvelja á eyjunni fyrir væntanlega útgáfu um Surtsey. Ferðalagið og rannsóknardvölin í Surtsey tengist inn á þverfaglegt myndlistarverkefni sem felur í sér sýningu í Surtseyjarstofu í samstarfi við Umhverfisstofnun.

Áhrifamat:

Umhverfisstofnun metur verkefni ekki líklegt til að hafa neikvæð áhrif á verndargildi svæðisins sé farið eftir skilyrðum leyfisins. Um er að ræða verkefni sem er í samstarfi Umhverfisstofnunar og vegna sýningar í Surtseyjarstofu.

Skilyrði:

Umhverfisstofnun veitir Þorgerði Ólafsdóttur fyrir sitt leyti fararleyfi til Surtseyja dagana 15.-18. júlí 2021, sbr. lýsingu hér að ofan að uppfylltum eftirfarandi skilyrðum:

- Leyfið gildir eingöngu fyrir Þorgerði Ólafsdóttur.
- Hafa skal þetta bréf með í för á meðan verkefninu stendur.
- Tilkynna skal til starfsmanns Umhverfisstofnunar á svæðinu hvenær brottför er til Surtseyjar með að minnsta kosti tveggja sólahringa fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengnisreglur sem gilda um svæðið.
- Leiðangursmenn skulu gæta þess að hreinsa allan fatnað og farangur áður en lagt er af stað til að tryggja að engar lífverur, plöntuhlutar og jarðvegur berist til Surtseyjar til

að tryggja að landnám/þróun lífs eigi sér stað án tilstuðlan mannsins. Er það á ábyrgð leiðangursstjóra að tryggja að allir leiðangursmenn viti af þessu og sjái til þess að það sé gert.

- Ef í ljós kemur að hreinsun fatnaðar og/eða búnaðar er ábótavant getur eftirlitsmaður farið fram á að búnaður sé skilinn eftir, frestað för þar til úrbætur hafa farið fram eða farið fram á að fararleyfi viðkomandi sé afturkallað.
- Gæta verður þess að ganga vel um viðkvæma náttúru Surtseyjar þar sem bannað er að trufla dýralíf, raska jarðminjum og skerða gróður.
- Gæta verður þess að allur farangur verði tekin til baka sem og allur sá úrgangur sem til fellur á meðan dvalið er í Surtsey.
- Ekkert drykkjarvatn er í eyjunni og verða leiðangursmenn að flytja það með sér. Þá er þar engin salernisaðstaða.
- Á meðan dvalið er í eyjunni ber leiðangursmönnum að hlíta fyrirmælum starfsmanns friðlandsins.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Sýnataka í Surtsey er eingöngu fyrir þau verkefni sem talin eru upp í verkefnalýsingu og óheimilt er að afhenda þriðja aðila sýnin í gróðaskyni.
- Halda skal umferð um mávabyggðir í lágmarki. Sérstaklega skal gæta þess að stygga ekki ófleyga ungfugla. Einnig skal gæta þess að stygga ekki þá seli sem mögulega kunna að dvelja í fjörum á norðanverðri eyinni.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Með í för verður Magnús Freyr Sigurkarlsson, starfsmaður friðlandsins.

Leiðbeiningar um hreinsun fatnaðar og búnaðar er að finna í fylgiskjali með bréfi þessu.

Virðingarfyllst

Magús Freyr Sigurkarlsson
sérfræðingur

Ingibjörg Marta Bjarnadóttir
sérfræðingur